

巴陵縣志卷之六十二

雜識十二

前明秣陵焦弱侯竝焦氏筆乘續卷八真誥秦時有士周太賓及巴陵侯姜叔茂者來往句曲山下秦孝王時侯今謂之姜巴路在小茅山後通延陵

古虞朱亦棟羣經札記按搜神記云有商人甌明過青草湖湖神邀歸問所欲須有一人私語曰君但求如願不必餘物明依其語湖君許之及出乃呼如願是一少婢也至家數年遂大富後歲旦如願起宴明鞭之如願鑽入糞帚中明家漸貧故今歲旦糞帚不出戶恐如願在其中也此與今刻搜神記小異

巴陵縣志

卷之六十二

雜識十二

一

唐呂仙人故家岳陽今其地名仙人村呂姓尚多藝祖初受禪仙人自後苑中出畱語良久解赭袍衣之忽不見今岳陽仙人像羽服下著赭袍云聞見後錄

天慶觀西廡有石刻二詩詞致清婉其道入云至道中有賣墨人儀狀雄偉嘗此遊息一日於扉上題詩二絕句而去或云呂洞賓所書也郡人爭刻之以治病今字字刻痕深寸餘而墨跡

不滅柳行錄

岳陽樓上有呂先生畱題云朝遊北越暮蒼梧袖有青蛇膽氣粗三醉岳陽人不識朗吟飛過洞庭湖今不見當時墨跡但有

石刻耳

南遷錄岳陽樓有碑前知府李觀所紀呂洞賓事跡言呂憇於岳州白鶴寺前松下有老人自松梢冉冉而下



致恭於呂問之為何乃曰某松之精也見先生過禮當侯見呂  
因書二絕句於寺門壁間其一云獨自行兮獨自坐無限世人  
不識我惟有城南老樹精分明知道神仙過郡人松下創亭亭  
名曰呂仙古泉山館金石文跡岳陽風土記謂岳陽樓上有呂  
先生留題石刻張舜民南遷錄載李觀紀呂洞賓詩又非即此  
詩豈舜民所云二絕句者其即朝游北粵之絕句耶全唐詩  
以風土記所引一首列之無題諸絕句中而南遷錄一首題云  
間題均不相合未知本自何書全唐詩北粵作北越袖有作袖  
裏獨自行來先生名巖字洞賓河中府人會昌中兩舉進士不  
作獨自行來先生名巖字洞賓河中府人會昌中兩舉進士不

第去游廬山遇異人授劍術得長生不死之訣鶴林玉露呂洞賓遇鍾離翁於

岳陽授以仙訣遂不復之京師應舉今岳陽飛吟亭有人題絕  
句云覓官千里赴神京得遇鍾離蓋便傾未必無心唐社稷金

丹一粒多游湘潭鄂岳間或買紙墨於市以混俗人莫之識也

岳陽風土記案記白鶴老松古木精也李觀守賀州有道人陳

某自云一百三十六歲因言及呂洞賓曰近在南嶽見之呂云

過岳陽日憇城南古松陰有人自樹杪而下相揖曰某非山精

木魅幸先生哀憐因與丹一粒贈之以詩後年餘李守岳陽果

巴陵縣志卷之六十二雜識十二

城南有老松以問寺僧曰舊題詩壁久已摧毀但能記其詩曰

獨自行來獨自坐云云後為亭松前曰遇仙亭舊松枯槁今復

鬱茂得非丹餌之力耶又夷堅志呂仙曾於岳陽城南題詩云

云至建炎中松猶存紹興二十三年大風拔樹無數此松遂枯

有道人適至折已仆一枝插於旁咒曰彼處難安身移

來這裏活自是日以暢茂即今穉松也道人蓋呂仙云

滕子京守巴陵時有道士投刺云回巖客自稱華州回道士風

骨聳秀滕知為異人置酒高談密令畫工圖其像口占詩以贈

之云華州回道士來到岳陽城別我歸何處秋空一劍橫回大

笑而去次日召之不見矣東軒記岳陽風土記密令畫工傳

先生夜半去矣留書以遺子京默然不知所言

何事今岳陽樓傳本狀貌清俊與俗本特異

宋王綸守岳州時巖來謁自稱華州回道士綸問世系巖曰世

系不必問所請教者突棊耳綸素號國手與突連負問其籍巖



吟曰仙籍班班有姓名蓬萊仙客呂先生凡夫肉眼知多少不及城南老樹精綸訝之轉瞬已失

嘉定己巳鍾仲山自金陵罷官歸舟次南津港俄見一舟中有黃襖翁二青衣童侍側熟視仲山良久俄失所在翌日仲山往呂仙亭拜禮真像果衣黃有兩青衣童侍側貌與昨所見肖仲山感悔無已周星作水調歌頭詞有更似南津港忽遇呂公船之句乾道中衲衣髻鬢竹笠草履行乞於市乘醉過州西南橋直喬守出犯前行喬怒而執之道人曰吾醉矣喬命下獄詰旦引問道人亦無言賦詩曰暫別蓬萊海上游偶逢太守問緣由家居北斗星杓下劍挂南天月角頭道我醉來真箇醉知他愁

巴陵縣志

卷之六十二

雜識十二

三

是怎生愁相逢何事不相識卻駕白雲歸去休

以上岳陽風土記

李拗枝不知何許人康熙間乞食漢口一飽外盡飯飢者隣有孝子母病篤醫藥無效或謂李非常人盍求之孝子潔衣冠跪請李所李臥不顧孝子請益力李笑曰君真癡矣哉我乞人奚能爲越三日岳陽樓有烹牛脯者取以啖母可也孝子以岳州遠隔難三日至再請焉李怒曰事急求吾而不用吾命焉有爲人子而憚難若是哉擊以杖而逐之孝子迫母疾姑買舟行挂帆風迅如矢三日竟抵岳陽樓下登岸物色適二丐踞地共食窺之牛脯也喜極乞其餘吝不與奪而走丐追焉孝子以母疾思肉告丐曰爾其詭我哉既爾且將去但屬李拗枝母多饒舌



孝子驚問拗枝何如人丐忽不見比歸出肉療母頓瘥見江紹蓮聞見

言閒

雍正間吾邑錢曉村郡丞界祝豫堂中丞維誥錢鐸石閣學載

王穀原比部又曾朱偶圃明府沛然皆為諸生於淶溪園中從

事扶鸞所得詩文極多呂巖君山詩云洞庭無雲水光碧君山

仙宮起吹笛呼龍耕煙種玉禾喚鶴開門款歸客壇上松風黃

雪積門前芝草長一尺白石爛煑砂粒紅青精炊久壚煙墨日

高垂簾誦黃庭燕壘香泥落空壁見秀水盛秦川神堂續筆談

治平中余令巴陵州有岳陽樓樓上有石倒刻謝仙火三字其

序述慶歷中華容縣一日晦冥震雷已而殿柱有此岳陽風土記祥符入

巴陵縣志 卷之六十二 雜識十二 四

年春二月既望雷震華容天皇觀西北楹上倒書謝仙火入木

踰分字法迺勁東南楹亦有謝仙二字偪近柱礎其後摹刻岳

陽樓上元豐二年岳陽樓災土木碑碣悉太守滕公宗諒問承

州何仙姑答以雷部中神昆弟二人並長三尺鐵筆書之集古錄跋

右謝仙火字在今岳州華容縣廢玉真宮柱上倒書而刻之不

知何人書也傳云大中祥符中玉真宮為天火所焚惟留一柱

有此字好事者遂摹於石慶歷中衡山女子號何仙姑者絕粒

輕身人皆以為仙也有以此字問之者輒曰謝仙者雷部中鬼

也夫婦皆長三尺其色如玉掌行火於世間後有聞其說者於

道藏中檢之云實有謝仙名字主行火而餘說則無之由是益

以仙姑為然余在江湖間人多以仙為名又其字類世所書者

孫載積中宰吳興德清而鎮覺海寺殿宇宏壯其碑云皆唐時

所建巨材髹漆積久剝落見倒書迹曰謝約李約收利火十餘

字去地二三尺以紙墨搨之與岳陽樓字大小一同積中曰夫



伐木於山者其人隊既眾則各刊其名以爲別耳凡記木必刻

於木本營建法本在下故倒垂由是知仙姑之妄也塵史劉貢父詩話

永州何仙姑不飲食無漏世傳其神異岳州天慶觀柱以震折有倒書謝仙火三字仙姑曰雷部夫婦二人長闊各三尺銀色莫不駭異然有熟於江湖間事者曰南方賈人各以火自名一火猶一部也此賈名仙刻木記已物耳是亦不可知也

韋騶者明五音善長嘯自稱逸羣公子舉進士一不第便已曰

男子四方之志豈屈節於風塵哉游岳陽岳陽太守以親知見

辟數月謝病去騶親弟驟舟行溺於洞庭湖騶乃水濱痛哭移

舟湖神廟下欲焚其廟曰千金估胡安穩獲濟吾弟窮悴乃罹

此殃焉用爾神爲忽於舟中假寐夢神人盛服來謁謂騶曰幽

冥之途無枉殺人者明公先君昔爲城守方直讜正鬼神避之

巴陵縣志卷之六十二雜識十二五

撤淫祠甚多不當廢者有二二神上訴帝初不許固請十餘年

乃許與後嗣一人謝二廢廟之主然亦須退不能知其道進無

以補於時者故賢弟當之耳倘求喪不獲卽我之故當令水工

送屍湖上騶驚寤其事遂止遂命漁舟施鉤緝果獲弟之屍於

是夕又夢神謝曰鬼神不畏忿怒而畏果敢以其誠也君今爲

人果敢昔洞庭張樂是吾所司願以至音酬君厚惠所冀觀咸

池之節奏釋浮世之憂煩也忽覩金石羽籥鏗鏘振作騶甚歎

異曲終乃寤唐袁郊甘澤謠

錢希言龍陽書生曾壽貴過洞庭風浪甚猛同船擾亂貴壽獨

蒙被臥忽夢至一宮殿堂上坐如王者狀趣召貴入賜之坐謂



曰如此風波少年何故冒險舟中得母有黃卷通否非此人舉  
舟葬魚腹矣吾乃水府之神爾可言於人世也既寤風定得濟  
推驗果有黃卷通者乃其同學諸生事父廣文極孝故感格至  
此卷通後登仕版古云孝通於天信哉

洞庭湖志

伍佐歸過洞庭舟人索祭水府神白之佐佐辭云伍佐爲官徹  
底清那有猪羊祭洞庭平生若有虧心事船到江中任爾沈夫  
人聞之以髻上一簪買魚以祭復至湘潭買一魚剖之簪在魚  
腹中雖近誕然清白吏固宜爲鬼神陰佑也按此事與王昌齡  
同

寶慶府志

羅仕親素喜施捨康熙己酉運漕赴岳經鹿角磯風急舟爲石

巴陵縣志

卷之六十二

雜識十二

六

破舟人驚懼無措俄而風定泊岸啟視糧米如故初未嘗漬也  
驗破處有巨蝦鉗護水不得入人以爲好善之報

湘潭縣志

城南有請仙者乩忽自運大書云余劉聖臣康熙時人住硃砂  
橋方冠卽卒無嗣妻何氏柏舟自矢余季父屢欲奪其志氏誓  
不二天投繯幾絕以母救得免事姑孝十七年如一日柰族散  
湮沒請入志以光泉壤淋漓奮迅扶乩者手腕幾脫時嘉慶八  
年二月晦日也後延訪里中故老云硃砂橋左划舡塘昔爲士  
族劉姓故居譜系有學步聖賢等派學古聖臣諸人名頗著後  
式微遠徙

洞庭湖志

盛有德常豐人康熙丙子鄉試舟過洞庭忽大風漂沒湖船甚



眾德舟有白蛇數丈繞之得不覆卽於是年舉賢書德因題恩波浩蕩四字於洞庭神廟今額猶存

安化縣志

明永樂間王道令耒陽舟至洞庭夜夢一女曰吾潯江神也汝明晨勿渡湖醒異之詰旦停舟覘之前行者至湖中遇大風皆覆溺道以夢獲免抵任後謁觀音巖見其像卽夢中女也爲廟

祀之

耒陽縣志

陳純德字靜生零陵人爲諸生以學行稱嘗夜泊洞庭爲盜所窘躍出墮水再躍入洲渚比曉坐蘆葦中去泊舟數十丈

明史

曹孝子名起鳳字士元崑山人父賈於蜀絕音耗或傳其死孝子時年十六走數千里覓父骨迄無知者以夢徵得之西陽負

巴陵縣志

卷之六十二

雜識十二

七

骨道湖南過洞庭風作兩日不得渡同舟者疑之且大索孝子

恐禱於洞庭君明日風止遂渡

見彭紹升二林居集

浙人張端叔其父爲鎮遠府曾泛洞庭舟覆溺死二僕越二十  
年復遊洞庭夢其僕二人偕至云某爲洞庭君使者聞主人至  
故來候但連日應大風惟某日某刻可渡至期當趨送及期風  
稍定見檣上有二鳥對船中叫噪張怪之仰面呼曰汝是某某  
否二鳥作答狀又曰旣係某某可飛集余几果翔而下與之食  
輒啖因促舟師放船食頃已達岸二鳥猶盤旋不去再三諭之  
哀號飛去復還者數四若不勝悲感者然

述異記

洞庭湖白泥窖下有楠木窖舟行過此黑風濁浪舟子驚相耳



語翦牲焚楮色甚惶恐見神木直逼舟傍遙望過船遇之船破  
賴賈筏得救舟子色稍定乃曰此柟木神每遇暴風晝晦輒出  
遊湖中神首色沈綠如螺髻往來於神木窰之前後左右終古  
如斯稱神木云東還紀程 湖上客談一都郭姓業漁忽網得  
木概曳之不起僉謂將軍一人不信取斧斫之  
壞網而去  
郭建林云

洞庭水淺止是面闊括風驚濤軟浪帆檣易覆故人多畏之湖  
中有數蛟有喜食糟粕者遇船中攜糟物過出而奪之有喜食  
硃砂者遇船中攜硃砂過出而奪之奪則濤興浪起或危舟楫  
齋此物者或重裹以犬羊之糶余以端午過洞庭風浪大作時  
兒女或以硃砂塗耳鼻者舟人亦請棄之余笑謂老蛟乃竊此  
巴陵縣志 卷之六十二 雜識十二

分文之餘乎已而風息類藉口如是土恒叔  
廣繹志

樊夫人名雲英上虞令劉綱妻也綱素有道術樊亦潛修密證  
遂皆白日仙去唐貞元中湘潭有一媪鬢翠如雲肥潔如雪策  
杖曳履日可數百里一日語市人張琪曰吾欲往洞庭救百餘  
人性命可具舟送我琪如其言將至洞庭前一日有大風濤撼  
一巨舟觸君山島上舟碎百餘人露宿於島有白鼉遊沙上殺  
而食之明日有物如城圍島白如雪島上人惶怖叫號媪舟至  
遽飛劍刺之聲如雷霆雪城遂崩乃一白鼉長千餘丈蜿蜒而  
斃劍刺其胸忽有道士來與媪遇甚相慰悅琪詰其故道士云  
劉綱真君之妻樊夫人也貞元  
遺事



唐開元中燉煌李鷓爲邵州刺史挈家之任泛洞庭泊舟登岸因鼻血衄沙上江鼃舐之幻爲鷓形繫鷓於水中將其妻子抵任數載郡邑大旱召江西河沙道士葉靜祈禱靜能浮山赴水朝過洞庭忽見沙上繫一人詢之則鷓也具以狀對靜書符帖石上石卽飛起空中鼃方擁案晨衙爲巨石所擊復其本形時張說爲岳州刺史具奏送鷓補官今舟行相戒不瀝鼻於波中以此故也

獨異志

湖南馬武穆王巡邊舟至洞庭暴風忽至如連山見波中蛟螭出沒雲霧昏濛有如武夫執戈戟者有如文吏具襴簡者有如捧盤盂者徘徊伺候閃爍睚眦莫知何物左右大駭衣服器皿

巴陵縣志

卷之六十二

雜識十二

九

悉投之舟人欲以姬妾爲請王不聽移時風定僅獲存焉數年

王薨

通志

洞庭廟祝杜雲隱黃陂人能知水面風波與人語輒驗江湖廉訪使伯顏上其事於朝至元十六年勅封普惠廣化真人提調

沿江諸廟事

通志

江叟之岳陽時大旱因出笛於聖善寺經樓上吹之俄見洞庭之渚絳雲繞其樓遂有老龍銜珠贈叟叟熬之二晝有龍化爲人持一小合藥有化水丹請易其珠叟持合而與之珠餌其藥

遂爲水仙

裴剛傳奇

列仙傳江叟善吹笛樓上有人教往荆

來迎去成水仙陳士元江漢叢談岳州城南乃呂仙招蟒化劍之處有江叟者嘗遇樵夫遺以鐵笛吹之無聲一日登白鶴山



紫荆臺吹之響振林谷忽有兩女子出自稱龍女投叟藥日服此當爲水仙

橘齋史右丞夙病眉癩初至館樓上夢仙拭面而癩脫既覺往謁呂仙亭物色如所見平章忽刺解夫人禿滿倫氏患頭風日夜望仙禱祈已而聞笛聲皆曰仙笛也公曰仙有靈當再聞及夜復聞笛聲起牆外自是夫人起居如初鄭元璧呂仙亭記

賈客邵雲卿嘗夜泊君山側命酒吹笛數曲忽見一老人棹舟來於懷袖中出笛三其一大如合拱其次如常人所蓄其一絕小如筆管雲卿請吹之老人曰大者諸天之樂不可發其次對洞庭諸仙合樂而吹小者乃老身朋儕可樂者試爲子吹之於是抽笛三弄湖上風動波濤滉漾魚龍跳噴至五六聲君山上

巴陵縣志

卷之六十二

雜識十二

十

鳥獸叫噪月色昏晦舟人大恐遂止乃歌曰湘中老人讀黃老手援紫蘊坐碧草春至不知湖水深日暮忘卻巴陵道遂棹舟去隱隱沒於波閒博異志 按楚風補引廣異記云戴呂夜泊君山忽一舟至有老人自吟詩呂異其詩就之忽不見一統志載王雲卿嘗遇老人於君山索酒數行歌之東坡云此詩詞似是李謫仙輩老人蓋真遊世者詩云云與博異記同

卓彥恭嘗過洞庭月下有漁舟過其旁卓呼問有魚否應曰無魚有詩卓喜曰願聞老人鼓柁徐去高吟曰八十滄浪一老翁蘆花江土水連空世閒多少乘除事良夜月明收釣筒欲邀之不可及矣明統志

山人劉元方自漢南抵巴陵夜宿江岸古館廳西有芭籬隔之



又有一廳扇鎖二更後月色滿庭江山清寂唯聞廳西有家口  
語言嘯詠之聲殆不多辨唯一老青衣語聲稍重而帶秦音言  
曰往年阿荆郎貶官時令老身常騎偏面騮抱阿荆郎阿荆郎  
嬌不肯穩坐墜損老身左膊至今天陰酸痛明日必大雨如今  
阿荆郎官高也不知知有老身無又云昔日阿荆郎愛念青青  
河畔草今日亦頗謂絲絲思遠道也四更方不聞其聲明旦果  
大雨呼館吏訊之吏云此西廳空不曾有人居元方固請開院  
視之前聞東面柱上有詩一首墨色尚新其詞曰耶娘送我青  
楓根不記青楓幾回落當時手刺衣上花今日爲灰不堪著視  
其書則鬼之詩也

博異志

巴陵縣志

卷之六十二

雜識十二

十一

嗣清禪師上饒人安參政帥湖南迎致大滄山有夢覺者安公  
鄉人自蜀來見幕客及子姪交譽之安公不勝眾論使覺來爲  
代師出寓邸舍覺遣侍者以狀邀飯師書其尾曰已非滄山僧  
不喫滄山飯不過兩旬餘岳州卻相見不盈月副寺與勤舊僧  
爭忿蹴其脇立死覺以累入獄時安公已去漕使攝郡事素惡  
覺不待獄竟編置於岳陽如師言

鬼董

彭學本萬曆中以事繫獄值大旱言於獄吏曰我能致雨吏白  
於守召之令致雨神與見學本作法俄陰雲蔽署有神見一足  
韓長丈餘隨登臺披髮約三日後大雨至期果驗有妖虹亙天  
語守借劍西向擲斬之後有人拾得其劍於縣之長壽堰

丙寅郡志



醉叟不知其姓字以其常醉呼曰醉叟常遊岳郡冠七梁冠衣  
繡衣高額闊輔修髯使腹望之如悍將年五十餘手一竹籃盡  
日酣沈百步之外糟氣撲鼻不穀食惟啖蜈蚣蜘蛛癩蜈蚣等  
物市兒爭握諸毒以供輒喜有侮之者漫作數語多中其陰事  
籃中嘗蓄乾蜈蚣問之則曰天寒酒可得此物不可得也口中  
常念萬法歸一一歸何處二句人詢其故終不對袁宏道  
醉叟傳

建昌進士黃鉞言其祖履中無子禱於岳州君山廟夢神以彩  
籠盛五色鳳三別以筠籠盛一鳥併授之後正室生三子皆擢  
第妾生一子無所能通志

康應字保裔三世爲宋臣死王事廟祀開封明圓通寺僧無相

巴陵縣志

卷之六十二

雜識十一

十三

領帖南還過廟謁之禱於神請神而歸時岳大興寺字人喜施  
捨皆云夜嘗夢康公所促故不敢後功訖夢神曰汝工既畢吾  
舍當興可卽茅栗坪爲基後遂建廟所禱輒應民間至今奉敬  
不衰通志

唐咸通中王廓自荆渚將過洞庭泊舟君山下登山而行見石  
窪中有酒掬而飲之陶然以醉自此無疾漸厭五穀後看仙經  
云君山有仙酒飲之昇仙廓所遇者此酒也統志

續幽怪錄吳興柳歸舜隋開皇二十年自江南抵巴陵大風吹  
至君山下因維舟登岸不覺行四五里忽道旁有一大石周匝  
六七畝其外盡生翠竹高百餘尺石中央又生一樹高百尺爲



五色翠葉如盤花徑尺餘色深碧蕊深紅異香成煙著物霏霏  
有鸚鵡數千翱翔其間相呼姓字音旨清越有名武遊郎者有  
名阿蘇兒者有名武仙郎者有名自在先生者有名踏蓮露者  
有名鳳花臺者有名戴蟬兒者有名多花子者或有唱歌者又  
有誦司馬相如大人賦者名武仙郎者問歸舜曰君何姓氏行  
第歸舜曰姓柳第十二武仙郎曰爲足下轉達桂家三十娘子  
因遙呼曰阿春此間有客卽有紫雲數片自西南飛來去地丈  
餘雲氣漸散見朱樓翠幙重檻飛檐一青衣自戶出謂歸舜曰  
三十娘子使阿春傳語郎君請垂略坐以具蔬饌因教鳳花臺  
看客俄而阿春捧赤玉盤至珍羞萬品目所不識飲食訖忽有  
巴陵縣志

卷之六十一

雜識十一

三

二道士白空飛下顧見歸舜曰大難得與鸚鵡相對君非柳十  
二乎君船以風便索君甚急因投一尺綺曰以此掩眼卽去矣  
歸舜從之忽如身墜舟所問之已三日矣

垂拱中駕在上陽宮大學進士鄭生晨發銅駝里乘曉月度洛  
橋橋下有哭聲甚哀生下馬察之見一豔女蒙袂生遂載之以  
歸號曰汜人能誦楚詞九歌招魂九辯之書嘗擬詞賦爲怨歌  
其詞豔麗生居貧汜人嘗出輕綃一端賣之有胡人酬以千金  
歲餘生將遊長安是夕謂生曰我湖中鮫室之姝謫而從君今  
歲滿當與君訣畱之不可去後十餘年生兄爲岳州刺史會上  
巳日與家徒登岳陽樓望鄂渚張宴樂生愁思吟曰情無限兮



蕩洋洋懷佳期兮屬三湘聲未終有畫舫浮漾而來中爲綵樓  
高百尺其上帷帳簾櫳彈絃鼓吹內有一女起舞含嚔怨慕形  
似汜人歌云泝青春兮江之隅拖湘波兮裊綠  
莫舒匪同歸兮將焉如須臾風波遂迷所在  
湘中怨詞

貞元中湘潭尉鄭德璘家居長沙每歲省親過江夏多遇老叟  
鬻菱芡者德璘挈松膠春飲之叟亦不甚愧荷有嵯賈韋生女  
美豔夜與鄰舟女知詩者同泊鄰舟女聞江村有秀才吟所作  
拾芙蓉詩取紅箋寫之置韋女奩中及旦分舟去德璘舟自江  
夏歸適與韋舟同宿洞庭韋女於水窗中垂釣德璘窺見以紅  
綃題詩投之惹其釣女收得遂以鄰舟女所寫紅箋報之德璘

巴陵縣志 卷之六十二 雜識十二 古

謂女所製恨無計款曲而韋舟遽張帆去先沒於洞庭德璘聞  
之悲惋爲詩弔之遂感水神攜韋氏送德璘舟後德璘調巴陵  
使人迎韋氏舟至洞庭值逆風挽舟韋女見一老篙工卽水府  
君也以詩書韋氏巾而去德璘詳詩意方悟卽昔日鬻菱芡叟  
歲餘有秀才崔希周投詩卷於德璘內有江上夜拾得芙蓉詩

因知韋氏所投德璘紅箋詩是希周所作耳德璘官至刺史

全唐

詩話 楚風補紅箋詩云物觸輕舟心自知風恬浪靜月光微  
夜深江上解愁思拾得紅箋香惹衣紅綃詩云纖手垂鉤對水  
窗紅蕖秋色豔長江既能解佩投交甫更有明珠乞一雙弔江  
殊詩二首曰湖面狂風且莫吹浪花初綻月光微沈吟暗想橫  
波淚卻共鮫人相對揮洞庭風軟荻花秋新沒青蛾細浪愁淚  
滴白蘋君不見月明江上有輕鷗詩成酌而投之遂感水神持  
詣水府府君曰德璘曩有義相及且異日是吾邑明宰不可不  
曲活此女查同溺輩問誰爲鄭生所愛有主者搜臂得紅綃府



君命攜韋女送璘舟時已三更璘覺有物觸舟秉燭拯之乃韋女繫臂紅綃尚在遂納爲室後璘當調遷謀醴陵令韋女曰不遇巴陵爾德璘曰何以知之韋女曰昔水府君已言之矣璘果遷巴陵使人迎韋女舟至洞庭逆風挽舟見一老篙工卽水府君也韋氏拜謝府君以詩書韋氏巾曰昔日江頭菱笑人蒙君數飲松醪春活君家室以爲報珍重長沙鄭德璘書畢而去

梁孝元帝金樓子志怪篇巴陵僧房中木愈翦疾

巴陵縣圓通寺僧房牀下忽生一木旬日勢凌軒棟僧移房避

之木長便遲但極秀有外國沙門見之謂曰此娑羅樹也彼僧

所憩之陰常著花細如白雪元嘉十二年生一花狀如芙蓉西陽

雜俎宋書臨海王子頊字孝列孝武帝第七子死時年十一葬巴陵

唐昭宗天祐二年六月湖南馬英奏岳州洞庭青草二湖之側

巴陵縣志卷之六十二雜識十二十五

有古祠四所先已荒圯臣復修廟宇畢乞賜名額者勅旨黃陵

二妃祠曰懿節洞庭君祠曰利涉侯青草祠曰安流侯三閭大

夫祠先以禮朗觀察使雷滿奏已封昭靈侯宜依天祐元年九

月二十九勅處分冊府元龜

滕宗諒知岳州修岳陽樓不用省庫錢不斂於民但榜民間有

宿債不肯償者官爲督之民負債者爭獻之所得近萬緡置庫

於廳側自掌之不設主典案籍樓成極雄麗所費甚廣自入者

亦不鮮焉州人不以爲非皆稱其能司馬溫公涑水紀聞